

# JISAS KRAIS TASOL I SEVIM

Em bai i karim wanpela pikinini man na yu mas kolim nem bilong em Jisas, long wanem, em bai i kisim bek ol manmeri bilong en long sin bilong ol. Matyu 1:21

Long wanem, God i laikim tumas ol manmeri bilong graun, olsem na em i givim dispela wanpela Pikinini bilong en, bai olgeta manmeri i bilip long em bai i no ken lus. Jon 3:16

Jisas i tokim em olsem, "Mi yet mi rot, na mi as bilong tok tru, na mi as bilong laip. Nogat wanpela man i ken i go long papa sapos em i no long rot bilong mi. Jon 14:6

Na tu, i no gat salvesen long narapela. long wanem, i no gat wanpela narapela nem aninit long heven God i bin givim long ol manmeri, we yumi ken kisim bek long en. Aposel 4:12

Long wanem, namba wan samting mi bin givim long yupela, dispela samting mi bin kisim tu. na ol i bin planim em, na long namba tri de em i kirap bek olsem ol skripsa i tok: 1 Korin 15:3-4

Em i kisim bek yumi long rot bilong blut bilong em, na em i fogivim sin bilong yumi. Efesus 1:7



And the gospel must first be published  
among all nations. MARK 13:10



I gat foapela tok tru we yumi mas kliagut long en:

1. God i laikim yu tumas.

Em i laik bai yu kisim laip oltaim long heven wantaim Em.

Long wanem, God i laikim tumas ol manmeri bilong graun, olsem na em i givim dispela wanpela Pikinini bilong en, bai olgeta manmeri i bilip long em bai i no ken lus. Jon 3:16

Em i laik bai yu gat planti na gutpela laip wantaim Em.

Ol stilman i save kam bilong stilim ol samting, na bilong kilim na bagarapim ol samting. Mi kam bilong ol i ken i gat laip, na bai ol i ken i gat laip i pulap tru. Jon 10:10

Maski i olsem, planti manmeri i no save kisim gutpela laip na ol i no save sapos ol i gat laip oltaim bikos...

2. Man i gat sin long pasin bilong em. Long dispela as em i stap longwe long God.

Olgeta i bin mekim sin.

Long wanem, olgeta manmeri i bin mekim sin, na ol i sot long glori bilong God; Rom 3:23

Long wanem, pasin bilong laikim tumas mani em i as bilong olgeta pasin nogut... 1 Timoti 6:10

Pe bilong sin em i dai.

Long wanem, pe bilong sin em i dai... Rom 6:23

Baibel i tok klia long tupela kain dai:

- Dai long bodi

Em i makim olsem ol manmeri bai i dai wanpela taim tasol, na bihain bai ol i kisim kot. Hibriu 9:27

- Dai long sait bilong spirit o stap longwe long God oltaim oltaim long hel

Tasol ol man i save pret, na ol i no bilip, na ol man i save mekim pasin nogut, na ol man bilong kilim man, na ol man bilong mekim pasin pamuk, na ol glasman, na ol man bilong lotuim giaman god, na olgeta man bilong giaman, ol bai i stap long dispela raunwara i gat bikpela paia na salfa. Revelesen 21:8



Sapos man i stap longwe long God bikos long sin bilong em, orait wanem rot bilong stretim dispela hevi? Planti taim yumi ting olsem ol rot bilong stretim hevi em: lotu, gutpela wok, na gutpela pasin. Tasol i gat wanpela rot tasol i kam long God.

3. Jisas Krais tasol em i rot bilong go long heven.

Dispela em i tokaut bilong God.

Jisas i tokim em olsem, "Mi yet mi rot, na mi as bilong tok tru, na mi as bilong laip. Nogat wanpela man inap i kam long God Papa sapos em i no long rot bilong mi. Jon 14:6

Em i bin baim olgeta pe bilong sin bilong yumi.

Long wanem, Krais tu i bin dai wanpela taim tasol bilong tekewe sin bilong yumi. 1 Pita 3:18

Em i kisim bek yumi long rot bilong blut bilong em, na em i fogivim sin bilong yumi. Efesus 1:7

Em i gat promis bilong laip oltaim oltaim.

Man i bilip long Pikinini em i gat laip i stap gut oltaim oltaim.

Na man i no bilipim pikinini bilong em, em bai i no inap lukim laip. tasol belhat bilong God i stap yet long em. Jon 3:36

Long wanem, pe bilong sin em i dai; tasol presen bilong God em i laip oltaim long rot bilong Jisas Krais, Bikpela bilong yumi. Rom 6:23

4. Yumi mas bilip long Jisas Krais bai yumi ken kisim bek.

God i kisim bek yumi long marimari bilong yumi long rot bilong bilip long Jisas Krais.

Long wanem, long marimari God i kisim bek yupela long rot bilong bilip. na dispela i no kamap long yupela yet, em i presen bilong God. Efesus 2:8-9

Long wanem, olgeta manmeri i singaut long nem bilong Bikpela, God bai i kisim bek ol. Rom 10:13



Prea bilong sinman

Prea wantaim bilip:

Bikpela Jisas, tenkyu tru long yu laikim mi. Mi tokaut olsem mi wanpela sinman na mi askim yu long fogivim mi. Tenkyu long dai bilong yu long diwai kros, planim mi, na kirap bek bilong yu long baim olgeta sin bilong mi. Mi trastim yu olsem Bikpela na Sevia bilong mi. Mi kisim presen bilong yu long laip oltaim na mi givim laip bilong mi long yu. Helpim mi long bihainim olgeta lo bilong yu na bai mi amamas long ai bilong yu. Amen.

Sapos yu bin trastim Jisas Krais, ol dispela samting i bin kamap long yu:

- Nau, yu gat laip oltaim wantaim God.

Laik bilong man i salim mi i kam, em i olsem, olgeta manmeri i lukim Pikinini bilong mi na bilip long em, ol i ken kisim laip i stap gut oltaim oltaim. Jon 6:40

- Olgeta sin bilong yu i pinis na fogivim pinis.

(bipo, nau, bihain)

Tasol Krais i mekim wanpela ofa tasol bilong tekewe sin bilong yumi, na em i sindaun long han sut bilong God. Hibiru 10:12

- Yu wanpela nupela samting long ai bilong God. Em i stat bilong nupela laip bilong yu.

Olsem na sapos wanpela man i pas wantaim Krais, em i kamap nupela man. lukim, olgeta samting i kamap nupela.

2 Korin 5:17

- Yu kamap pikinini bilong God.

Tasol olgeta manmeri i kisim em, em i givim namba long ol long kamap pikinini bilong God. Jon 1:12

Gutpela wok em i no rot bilong kisim bek yumi, tasol em i pruf o prut bilong kisim bek yumi.

Long wanem, God i bin wokim yumi, na long Krais Jisas em i bin wokim yumi long mekim ol gutpela pasin. Efesus 2:10

God blesim yu!